



InTema Decembra - InUčionica

U decembru pričamo o prostoru u školi i oko škole. Dok ukrašavamo učionice povodom novogodišnjih praznika, prilika je da razmislimo o tome - kakvo nam je okruženje za učenje?



Kada kažemo **Okruženje za učenje** na šta sve pomislite? Da li se okruženje za učenje odnosi samo na učionicu, da li i proces učenja ograničavamo samo na prostor učionice? Zbog toga smo temu nazvali InUčionica, ali u tom nazivu učionicu predstavljaju sva mjesta, prostori, prostorije i dijelovi

grada, zemlje, svijeta u kojima se učenje kontinuirano dešava.

Da li ste ikada, dok ste promatrali učionice, škole, dvorišta, mjesta za život u cjelini, zapitali *Kome su namijenjena? Za koga? Ko im je u centru? Odrasli ili djeca? Da li su prilagođeni djeci različitog uzrasta, da li potiču njihovu kreativnost, igru, znatiželju?*

U decembru, a i svakog narednog mjeseca razmišljamo o okruženju za učenje koje je usmjereno na dijete. Pozivamo vas da pišete o svojim učionicama, školama, igralištima i školskim dvorištima. Dijelite ideje sa drugim članovima i članicama o tome kako učionice izgledaju kada u njihovom stvaranju učestvuju učenici i učenice.

Zanima nas, da li se kroz osmišljavanje i osiguravanje kvalitetnog okruženja za učenje fokusirate na njegove fizičke, psihičke ili socijalne komponente, da li se usmjeravate na inkluzivnost, poticanje saradničkog učenja, emocionalnu sigurnost, individualne potrebe i interese učenika i učenica, mogućnosti primjene različitih metoda nastave.

O tome šta vama predstavlja poticajno okruženje za učenje - pišite; u formi u kojoj želite! Pišite nam o tome kako uspostavljate stimulativnu i podržavajuću klimu u učionici, kako izgleda vaša učionica i zbog čega ste se odlučili na takav izgled i atmosferu, te kako vidite da takvo okruženje djeluje na učenike, njihov uspjeh, osjećaj pripadnosti prostoru, međusobni odnos učenika, njihovu motivaciju, inspiraciju, želju i spremnost za učenjem.

I naravno, kako se vi osjećate u tom prostoru? Da li je i vama poticajno, te šta mu nedostaje da postane takvo. Radujemo se čitanju vaših tekstova.

InŠkola u novembru

Što bih ja, kad može AI bila je naša novembarska InTema. Prregled tekstova i promišljanja o umjetnoj inteligenciji i njenoj primjenu u nastavi pronađite u nastavku.

Collections

InUčionica